



BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
OPĆINA CENTAR SARAJEVO
OPĆINSKI NAČELNIK

**P R A V I L N I K O DOPUNI
PRAVILNIKA O KRITERIJIMA I RASPODJELI NOVČANIH SREDSTAVA ZA SUFINANSIRANJE
TROŠKOVA VANTJELESNE OPLODNJE I JEDNOKRATNU NOVČANU POMOĆ ZA ROĐENJE
DJETETA**

Juli, 2025. godine

Na osnovu člana 15. Zakona o principima lokalne samouprave u Federaciji Bosne i Hercegovine ("Službene novine Federacije BiH " broj 49/06 i 51/09), člana 25. Statuta Općine Centar Sarajevo –prečišćeni tekst («Službene novine Kantona Sarajevo», broj 23/04) ,člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst, 38/16, 44/17,28/18 , 52/21,40/22 i 13/25), a u vezi sa tačkom 5. Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24), Općinski načelnik donosi

**P R A V I L N I K O DOPUNI
PRAVILNIKA O KRITERIJIMA I RASPODJELI NOVČANIH SREDSTAVA ZA SUFINANSIRANJE
TROŠKOVA VANTJELESNE OPLODNJE I JEDNOKRATNU NOVČANU POMOĆ ZA ROĐENJE
DJETETA**

Član 1.

U Pravilniku o kriterijima i raspodjeli novčanih sredstava za sufinansiranje troškova vantjelesne oplodnje i jednokratnu novčanu pomoć za rođenje djeteta („Službene novine Kantona Sarajevo broj: 13/24) u članu 11. iza stava (3) dodaje se novi stav (4) koji glasi:

„ (4) Podnosilac zahtjeva može istaći prigovor na akt kojim je riješen zahtjev u roku od 8 dana od dana prijema. O prigovorima, u roku od 15 dana od dana podnošenja, odlučuje Komisija za rješavanje prigovora po javnim pozivima koju će posebnim rješenjem imenovati Općinski načelnik.”

Član 2.

Ovaj Pravilnik o dopuni pravilnika o kriterijima i raspodjeli novčanih sredstava za sufinansiranje troškova vantjelesne oplodnje i jednokratnu novčanu pomoć za rođenje djeteta stupa na snagu narednog dana od dana objavljivanja na oglasnoj ploči Općine Centar Sarajevo, a isti će biti objavljen i u Službenim novinama Kantona Sarajevo.

OPĆINSKI NAČELNIK

Broj: 09/B-11-3995/25
Sarajevo: . . . 2025. godine.

Srđan Mandić

Napomena:

Pravilnik je objavljen na oglasnoj ploči Općine Centar Sarajevo dana_____2025.godine

O B R A Z L O Ž E N J E

PRAVNI OSNOV

Pravni osnov za donošenje Pravilnika o dopuni pravilnika o kriterijima i raspodjeli novčanih sredstava za sufinansiranje troškova vantjelesne oplodnje i jednokratnu novčanu pomoć za rođenje djeteta, sadržan je:

- u članu 15. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine", broj 49/06 i 51/09), kojim je uređeno da općinski načelnik donosi akte iz svoje nadležnosti;
- u članu 69. Statuta Općine Centar Sarajevo - prečišćeni tekst ("Službene novine Kantona Sarajevo", broj 23/04) kojim je propisano da općinski načelnik donosi, između ostalog, pravilnike;
- u odredbi člana 171. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo" broj: 38/14- Prečišćeni tekst, 38/16, 44/17 , 28/18 ,52/21, 40/22 I 13/25) kojim je propisano da se iz općinskog budžeta finansiraju druga prava iz socijalne zaštite, koja svojim propisom utvrđuju općine.

RAZLOZI DONOŠENJA

U skladu sa Smjernicama o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj 37/24) ukazala se potreba normiranja prava na prigovor i obaveze formiranja Komisije za prigovore za podnosiocima zahtjeva koji nisu zadovoljni odlukom nadležne službe za poslove socijalne zaštite odnosno Općinskog načelnika.

O B R A Z L O Ž E N J E

Član 1. – dopuna člana 11. Pravilnika o kriterijima i raspodjeli novčanih sredstava za sufinansiranje troškova vantjelesne oplodnje i jednokratnu novčanu pomoć za rođenje djeteta;

Član 2.- vrijeme stupanje na snagu Pravilnika.

FINANSIJSKA SREDSTVA

Finansijska sredstva za ovu namjenu obezbijeđena su u Budžetu Općine Centar Sarajevo.